

30-тй апреле – Тылпулэзэ утиськон нунал

Астэ яраты, бускельдэ гажа

Ижысь тылпулэзэ утиськонъя 3-тй часть элькунамы одйгез бадзымез луэ, отын 93 ужасез. Туэ январь толэзэсен частен кивалтыны кутскиз Артём РОМАНОВ.

Артём Алексеевич вордскемын Вавож ёросысь Гурезь-Пудга гуртын. 9 классэз йылпумъяса, Можгабысь физико-математической лицейын дышетскиз. Чапак соку чыжы-выжыосыз Андрей но Иван Рычковъёс армиясь бертиллям но Можгабысь тылпу кысонъя часте ужаны интыяскиллям. Соослэз аджем карыса, Артём но тылпу кысон удисэз бырийз. Пыриз Москваысь Тылпулэзэ утиськон службая кун академие, нош 2014-тй арын специалист луыса Удмуртиё берытскиз. Нырысь ик ужаз Можгабысь 22-тй частысь караулэн кивалтисез луыса, собере — Дэриысь 30-тй частын. Нош 2019-тй арысен сое басытйзы Ижысь 3 номеро часте, нырысь частен кивалтисезлэн воштисез вал, табере ваньзэ ачиз радъя.

Ленин ёросысь тылпу кысйсьёс, Ижез эскерысачакласа возем сяна, город вёзы интыяськем гуртыёсы,



Артём Романовлэн архивысьтыз

Ижысь тылпулэзэ утиськонъя 3-тй частылэн кивалтисез Артём Романов.

коттедж посёлокъёсы но 7 сад-бакчаосы потало. Часть борды юнматэмын на шаерысьтымы эшшо 8 ёрос.

— Дэри но Вотка ёросысь бордысен кутскыса, вань лымшор ёросысь бадзым тылпуосы милям частысьтымы пожарнойёс потало, — шуэ Артём Алексеевич. — Кемалы вунонтэм кылэз 2021-тй ар. Май толэзэсен кутскыса бер сйзылыозь пось улэмен, тросэтй тылпуос гомазы. Май толэзе Вуж Игерман

микрорайонын тылпу потаз. Лек төллы луыса артэ сыйсь коркаос но, ми вуытозь, жуаны кутскемын ни вал. Татысь тылпуэз кысймы гинэ но, милемыз «Нечкинской» парке ыстйзы. 4 нуналзэ отын ужамы на. Нош август толэзе частысьтымы 3 мурт Удмуртиысь мукет тылпу кысйсьёсын чёш Мордовие ветлиз бадзым тылпуэз кысыны.

Тылпу кысон дыръя ваньзэ жог быдэстоно, ваньзэ кёня ке вামышлы азылапал малпаны

быгатоно. Сыче дыръя гинэ пожарнойёс горд атасэз вормо. Жалыса верано, тылпу потон учырьёс нуналлы быдэ луо. Нош май праздникёсы милям ужмы йылэ: адымиос сад-бакчаосазы утятйськыны кутско, люкам жуг-жагзэс бакчазы ик сутйсьёс шедё. Астэ яраты, бускельёстэ гажа шуиськомы ке но, тросэз та веранэз санэ уг басыто. Озы тылскысь мурт ачиз но юргертэк кыле, бускельёсызлы но кайгу вае. Соин ик ми калык

пöлын валэктон уж ялан нуиськом, трос нылпие семьяослы но огназы улийсь арлыдоослы извещательёс пуктыны юрттйськом.

Тулыс тудву кошкыса вуттэ оло уг, шаерамы тылпуэн нурьяськон вакыт кутске. Та вакытэ кышкыт луэ кös турын. Куд-ог дыръя машинаен я поездэн ортчисьёс, номыр малпаскытэк, укноетй тамак пумзэс кушто — соослэз бервылзэс утялтоно луо тылпу кысйсьёс. Туэ но Ижевск-Можга сюрес вылын тылпу потаз ни. Инкуазьын шулдырьяськыны, чынатэм сйль сиыны яратйсьёс но, тулыс вуэмен, трос луо. Тылпу кысйсьёс ало: та вакытэ нюлэскы пыраны лэземын öвöл.

Ужазы сэзэ луон понна пожарнойёс ваньмон дыръязы спортэн эшъясько. Нуналлы быдэ мугорзэс кыдато, пöртэм чöшатсконьёсы пыриьскыло. Пожарнойёс Алексей Пименов, Иван Байматов, Юрий Корепанов, Алексей Богданов но Александр Коробейников 4-тй арзэ Удмуртиысь тужгес кужмоосыз луо. Нош алигес соос Пермь городысь 2-тй интыен вуизы.

Валентина ЕМЕЛЬЯНОВА

Галина Кулаковалы — 80 арес

Спортлэн нуналыз

Та нуналыёсы шаерамы ортчись ужрадъёс пöлысь тросэз сйземын спортысь легендалы, олимпийской чемпионкалы Галина Кулаковалы. 29-тй оштолэзе солы 80 арес тырме.

27-тй оштолэзе Йöскалык библиотекаын «Королева по имени Галина» книгаен тодматскон ортчиз. Та книга печатламын вал 2007-тй арын, туэ сое выльдйзы, тунсыко материалъёс ватсазы. Книгаен тодматйз «Регион-Пресс» издательстволэн директорез Анна Тонкова. Пусйиз: книгаен пуктылэмын QR-кодъёс, сося учкыны луэ дано спортсменка сярись киноез. Книгаен тодматскыны быгатозы ляб адзись но сукыр адымиос но: Брайльлэн шрифтэныз гожтэмын, бордаз вань аудио-файлзэ.

Та ужрадын ик данъязы «Кулакова глазами детей» конкурсын вормисе потэмъёсты. Отын 3 номинация вал: «Человек-легенда» эссе гожтоно, «О спорт, ты — мир!» суред



Тусуктыз Мария БАГРАШОВА

Брайльлэн шрифтэныз «Королева по имени Галина» книга.

лэсьтоно но «Догони Кулакову» компьютер шудон малпано. Конкурсэ 200-лэсь трос пинальёс пыриьскызы. Вормисе потэмъёс ужрадэ öтемын вал. Усто эссеосты асьсэос ик шара лйдзйзы.

Котырес лыдпуслы сйзыыса, Ижысь ульчаосы Г. Кулаковалэн тусыныз 50 баннеръёс ошемын. Шаерысьтымы школаосысь вань классёсын

Олимпийской урокъёс ортчыло. 28-тй оштолэзе Ижысь Шор площадьын «Кулакова — 80» флешмоб луоз. Нош 29-тй оштолэзе вазь чукна ик Дэри ёросысь Италмас школаын дышетскисьёс школаысенызы Г. Кулаковалэн юртэз дорозь бызёзы но юбилярез эчкыладозы. Ижысь «Динамо» стадионын ортчоз Олимпийской нунал. Шаерамы вуозы Россиысь олимпийской чемпионъёс: Николай Зимятов, Александр Легков, Александр Завьялов, Глеб Ретивых но Альберт Батыргазиев. Соос пинал спортсменъёслы мастер-калссьёс возматозы. Ужрадэз нуоз тодмо комментатор Дмитрий Губерниев.

Мария БАГРАШОВА

Студенческий билет, выданный Экономико-технологическим колледжем на имя Дарьи Дулесовой, считать недействительным.

Тодматскон сэрег

Палтури

Аб. 1161. Кияса ёросысь Карамас-Пельга гуртысь 42 аресъем казакпи. Улэ анаеныз. Котьма ужаны быгатэ, чылкытэз яратэ. Семья кылдытон понна тодматскоз ужез яратйсь 35-45 аресъем удмурт кышномуртэн, одйг нылпиез луиз ке, пумит öвöл. Жингыртоно **8-950-827-75-83** номеръя. «Тодматскон сэреге» ялонъёсты кутон, абонентъёслы жингырьян сярись пыр-почгес тододы, ужан нуналыёсы **8-951-195-37-65** телефонъя жингыртиса.



Эчкылан

1-тй кварталэзе вордскем нуналзэ пусьё эше **Раиса Ивановна РЕЗЕНОВА**. Улэ со Глазов ёросысь Люм гуртын. Ужа Дондыкар школаын удмурт кылыно литература дышетйсь луыса, Ашальчи Оки национальной премилэн лауреатэз.

Визьмо, чебер, туж йöно, котькытчы но со вуэ, вань ужзэ лэсьтэ «5»-лы гинэ. Дышеттоно пинальёсыз но котькыче ужрадъёсы пыриьскыло но вормыло.

Шудбуру кузь даур сйзыыса, эчезлы оскон тысь пазыгыса, сйзисько юн тазалык, азинлык. Трос вормонъёс ужаз, шуныт яратон семьяяз.



..... Лидия СИМАНОВА